



ЛЕНИНЭНЬ КИЯВА

ВЛКСМ-нь Мордовской обкомонть ды Саранск ошонь комитетэнь газетаст

1941 ие
М А Е Н Ь
16-це чи
54 (1350) №
ЛИСИ: 11-це ие,
12 № ковс

Од ломатненъ ютксо эрва чистэ ветямс военной пропаганда

Империалистической омбоне войнась эсь орбитантень тарги яла од масторт ды народт. Те карматни Советской Союзонь трудячтненъ свал улемс анокок эрва кодат случайностенень. Комсомолонть жо те карматны седеяк вадрылгавтамс военно-физкультурной роботанть.

Прогрессивной человечествань величайшей генийтне Маркс, Энгельс, Ленин, Сталин свал ловилить пек важнойкс военной темень, пролетариатонть военной воспитаниянь ды тонавтомань востропненъ. Ленин ды Сталин еще империалистической васенце войнаь иетнестэ тонавтыльть рабочей классонть, пролетарской од ломатненъ, што эрви эсь кеде саемс оружия, седе парсте тонавтемс военной темень, штобу ёртомс эксплуататортненъ господстванть ды добовамс рабочей классонть победа весе мирсэнь.

Минек партиань вожтненъ неть указаниятне зардоак а эрви стувтнемс минек масторонь од ломатненень ды сех пек ней, империалистической омбоне войнаь шкастонть.

Мордовиянь комсомолетнэ ды аволь союзной од ломатне покш мельсэ востокшнысь ВЛКСМ-нь ЦК-нь решениянзо Якстере Армиянь XXIII-це годовщианть лемсэ лыжной комсомольской кроссонть ютавтомадо ды те кроссонть эйсэ примасть участия 24405 комсомолец ды 3124 аволь союзной од ломань. 41 тыща комсомолец ды од ломань активной участия примасть гимнастической соревнованиатнесэ.

Тыщадо ламо районной ды ошонь комсомольской активист (райкомонь ды горкомонь бюронь, пленумонь члент, постоянвой комиссиатненъ председателть, районной центранный первичной комсомольской организациянь секретарть ды лият) регулярно тонавтитть военно-физкультурной теменьт комсомольской активень школатнесэ, конат организоваз весе районтнесэ ды оштнесэ.

Мельцанской ды Ст.-Шайговской райононь комсомолетнэ ютавтеть пек интересной военно-тактической налксемс. Комсомольской организациятне седе сеетсэ кармасть ютавтемс походт, военной занятият. Комсомольской ламо организациясо военной роботась ды физкультурась кармасть улеме эрва чинь тевокс.

Минек роботанть пек важной участие ашти военной пропагандась. Но ламо комсомольской организацият те шкас яла беряньстэ занимаются те теменьт. Од ломатненъ туртов военной пропагандань коряс лекцият, докладт, беседат эрсекишнить пек чуросто, ансяк бути юбилейной читнестэ. А ведь комсомолонь программасонть мерезь, што ВЛКСМ-сь од поколениянь воспитывает советской патриотизмань, Якстере Армиянь ды Военно-Морской Флотонть вечкемань духсо. Лекциятне, докладтне, беседатне аштитть истямо воспитаниянь виев средствакс.

ВЛКСМ-нь кой-кона райкомтне темень коряс теисть аволь вишкине работа. Меельсэ шкастонть Ичалкасо ютавтозь военной востропненъ коряс 3 лекцият. Сеетсэ эрсит истят лекцият райононь зарья колхозной ды школьной первичной комсомольской организациян. Педагогической училищасонть организоваз исторической кружок, косо ловнозельть цела цикла лекцият военно-исторической востропненъ коряс. Кружоконь руководителесь Исакова ялгась парсте ёвтнесэ тонавтичатненень ве-

ликой русской полководецтэнь А. В. Суворовдо, М. И. Кутузовонь боевой подвигтнеде, 1812 иень отечественной войнадонть ды лият.

Од ломатненень, тонавтичатненень, колхозниктненень систематически ловнокшныть военной пропагандань востропненъ коряс лекцият секе жо райононь Селища велень средней школань учительтне.

Б.-Игнатовской райононь Вармазейка велень комсомолетнэ организогасть колхозной од ломатненъ эйстэ боевизированной отряд, косо тонавтичсь Якстере Армиянь внутренней ды караульной службань уставтненъ, толковизь СССР-нь Оборонань Наркомонть Тимошенко яланть указаниянзо, конатненъ сон тейнизе 1940 иестэ военной округтненъ тактической учениятнесэ.

Но эрви тешиктамс, што од ломатненъ эрва чистэ военной воспитаниянь истят примерт вастневить аволь весе комсомольской организациятне. Комсомолонь ламо райкомт, примеркс, Ширингушскоесь (секретаресь Кучерова ялгась), Кочкуровскоесь (секретаресь Сурков ялгась), Дубенскоесь (секретаресь Фадейкин ялгась) беряньстэ руководят военной пропаганданть эйсэ, не интересуются те теменьт.

Комсомольской организациянь руководителтьне задачат ашти сеньсэ, штобу кепедемс од ломатненъ интересэст военной теменьт. Минек Якстере Армиясь эсь рядтнесэ воспитывает смелой, инициативной, выносливой, закаленной воинт. Боевой воспитаниянь неть форматне ды методтне должны улемс минек од ломатненъ военно-физической воспитаниянь основакс. Минек од ломатне должны улемс анокок войнас, темень кие жо сынест парсте эрви овладеть неень шкань военной знаниятнесэ. Секе военной пропагандань коряс минек весе роботасонть эрви седе ламо ютавтемс лекцият войнадонть ды неень шкань военной техникадонть. Толковамс од ломатненень войнадо марксистско-ленинской учениянь, толковамс тест империалистической войнаь цельтненъ ды причинатненъ.

Од ломатненъ туртов истяжо эрви тейнемс лекцият военно-исторической тематненъ коряс, од ломатненень ёвтнемс выдающейся русской полководцтненъ деятельности кувалт, гражданской войнаь иетнестэ Якстере Армиянь героической бороламодонзо, те келейгавты минек од ломатненъ кругозорост, минек од ломатне покш мельсэ воспринимают русской народонть икелень героической традициятненъ.

ВЛКСМ-нь райкомтненень эрви систематически организовакшномс военной темань коряс платной лекцияткак, ютавтемс военно-теоретической конференцият ды лият. Лекциянь, докладонь ды беседань ютавтемс терднемс запасонь командиртненъ, Хасан чиресэ, Халхин-Голсо боевь, белофинтненъ каршо войнаь участниктненъ, терднемс комсомольской активистт, учительт ды лият. Весе минек военной пропагандась илязо уле отвлеченной, сонзэ эрви сюлмамс неень шкань задачатненъ марто.

Комсомолсо военной пропаганданть эрви аравтомс истя, штобу сон кепеделлизе од ломатненъ бажамоств седе парсте тонавтемс военной теменьт, максоволь тест конкретной военной знаният, воспитывал эйсэст социалистической родинанть алжуксонь патриотокс, сонзэ мужественной, смелой ды кеме ванстыцякс.



Саранской 12-це № средней школань тонавтичась-отличникесь Николай Какурин комсомолецсь вадрысто аноксты проверочной испытаниятненень. Фото Б. Козловонь.

ШКОЛАТНЕСЭ ТУНДОНЬ ИСПЫТАНИЯТНЕДЕ ИКЕЛЕ

Питней эрва минутась

Школатнесэ проверочной испытаниятненъ ушодовомантень кадовствэ ловозь читть. Те шкастонть эрва тонавтичянтень питней аволь ансяк часось, но минутаськак. Темень парсте чарькодизь Ардаатовской педучилищань тонавтичянтне.

Штобу вадрысто аноктазь вастомс испытаниятненъ, повторить весе ютазь материалонть, тонавтичась-отличникась Вильянова ялгась тейсь эстензэ самостоятельной роботань план, конань коряс чиде-чис сон кенерькшни аволь

ансяк ванкшномс программасо ёвтазь ютазь материалонть ды теке марто вейсэ лезды ялганстэнькак. Вильянова ялгась учебниктнеде башка ловны ламо дополнительной литература, яки консультации, косо тензэ лездыть преподавательтне. Сон малав весе предметнень коряс прыдызе программной материалонь повторениянь.

Испытаниятненень отличникась васты эрва ёндо парсте аноктазь.

А. Барсуков.

Ардаатовской р-н.

Отлично то аноктатано испытаниятненень

Деятельностэ анокстыть тундонь испытаниятненень Шугурова велень средней школань тонавтичянтне. Эрва чистэ урокто мейле тесэ эрсекишнить дополнительную занятият-консультацият, косо преподавательтне толковить школьниктненень а чарькодевица востропненъ, максивить указаният седе, кода кочкамс дополнительной литература.

Тонавтичянтне И. Учайкин, П. Зах-

ватов, А. Аношкин, И. Аношкин ды лият кенерствэ повторить весе предметнень коряс ютазь материалонть колмокстнилекть.

Школась бороши сень кие, штобу тонавтемс иенть прядомс ансяк вадры ды отличной оценка марто.

Ф. Пивкин.

Б.-Березниковской р-н.

ШКОЛАНТЬ ПЕРЬКА КАРМАСЬ УЛЕМЕ ВАНЬКС

Республиканской колхозной школанть перька ульнесэ ламо навоз, руздаз, ёртнезель эрва кодамо хлам.

Комсомолетнэ проявили инициатива, штобу школасонть, сонзэ перька темень ваньксчи ды эрвикс порядок.

Маень 11-це чистэ ютавтозель суб-

ботник, конаньсэ комсомолетнэде башка примасть участия зарья аволь союзной од ломать. Школанть перька теезь покш уборка, кармась улеме ванькс.

И. Щеглов.

Ст.-Шайговской р-н.

Стенгазетатне отличной успеваемости кис бороцямосонть

Весе предметнэнь коряс Дерябина Шурань отметканэ анык парт ды отличной. Сон тонавтни 6-це «Б» классонть. Ней, нилеце четверть программной материалонть ютамонзо марто вешкане, аноксты проверочной испытаниятненень. Вана месь теде Шура ёвтни эсь классонь стенгазетасонть:

«Географиянь коряс испытаниятненень мон анокстан истя: эривикс материалонть ловноса учебникста, ловношноснэ тетрадьнень. Мейле карман ваньшномо картанть ды схематненень. Теде башка эрва чистэ, кодак сан школав, эривикс таркатненень вешнян классной покш картастонть. Повторяю ютазь материалонть лия предметнэнь коряскак. Мукшнан шка художественной литературань ловносакак. Мон бороцян сень кис, штобу испытаниятненень максомс анык отлично ды получама похвальной грамота...»

Алова велень средней школасонть лиснить классной, общешкольной ды пионерской стенгазетат. Сынъ налснить покш роль успеваемости ды дисциплинанть кис бороцямосонть. Стенгазетатнесэ активно участвуют сынэ школьникне, пионерне ды комсомолецне. Сёрмадыть сеть асатыкстнеде, конат улить школасонть, критиковить нузякстнень, аволь дисциплинированнойтненень, неряхатненень, невтить сех парсте тонавтницятненень.

Сехте сеетсье ды вадрысто лисни кавксонь классонь стенгазетась. А вана 1—4-це класстнесэ малав овси а полднить стенгазетат. Кой-кона классной руководителтьне (Тюгаев, Сурков ялгатне) сынэ тейнить, сёрмалекшнить стенгазетатненень, теньсэ самай лепшнить эйкакштненень инициативаст. Сынъ формально полднить стенгазетатненень, тонавтницятненень участиявомост. Секс истят газетатне эрсить аволь живоить, аволь интереснойть.

Сех ламо стенгазетатне жо лиснить парсте, интереснойста. Сынст эйсэ эрсить ламо истят заметкат, конань коряс эривикшны примамс мерат. Дирекциясь жо тень а тейни.

Эриви, штобу стенгазетань материалне аволь кадочкшно истяк, но штобу сынст коряс улевельть примазь мерат. Те седеяк кастасы стенгазетатненень авторитетаст.

В. Яковлев.

Атяшевской р-н.



СНИМКАСОНТЬ: Мордовской государственной селекционной станциинь совхозонь паксятнесэ анокстыть моданть многолетней тикше алов видеме. Фотось Б. Козловонь.

Комсомолецнэ бороцить тунда видеманть парсте ютавтоманзо кис

Михайловка велень «Свобода» колхозонь комсомолецнэ активной участия примаст тунда видеманть анокстамосонть. Те вопроссь толковазель комсомольской собраниясо. Тешкста зельть зярый конкретной мероприятия тунда видеманть анокстамосонть комсомолецнэ участиянь коряс. Комсомолецнэ кармасть видень сортиро-вамо, местной удобрениянь пурнамо, ловонь кирдеме, кой-кить роботасть велень хозяйствань инвентарень ремонт-тировамосонть. Ютавтозель тунда видеманть анокстамонть проверямонь рейд, лангс ливтезельть зярый асатыкст ды комсомолецнэ добовизь сень, што весе асатыкстнэ витезельть ды тунда видеманть анокстамось колхозсонть ютавтозель эсь шкасто ды паро качества марто.

Ней минек организациянь 9 комсомолецт непосредственно роботыть паксысо, сокикакс ды видицяске. Сынъ нев-

тить трудонть социалистической отношениянь образец, личной примерсэ эсь мельга таргить аволь союзной од ломатненень. Комсомолецнэ В. Минеев, А. Ушаков, А. Дворянцев ды лия ялгатне выработкань нормаст тонавтнить 115—120 ды седе ламо процентс. Роботань качества вадра. «Свобода» колхозонь комсомолецнэ бороцить сень кис, штобу нурька шкасто ды отлична ютавтомс тунда видеманть, получама те нестанть скупав урожай.

Колхозниктненень ютксо ветить культурно-массовой робота, ловношкшнить газетат, ютавтнить беседат. Паксысо роботатненень васень читнестэ ютавтозель 7 беседат ды полдазель 7 номерт стенгазетат.

Сержантова,

«Свобода» колхозонь комсомольской организациянь секретарь (Ромодановской район).

Икеле молиция колхозтнэ прядызь видеманть

Маень 12-це чинть самс Теньгушевской райононь колхозтнэ видсть 1.908 гектар зерно-бобовой культурат ды путсть 144 гектар модамарь.

Райононь икеле молиция колхозтнэ, кода «Вяжка» (Нароватовской вельсо-

вет), «Луч пролетариата» (Хлебинской вельсовет) ды «Коммунист» (Кураевской вельсовет) маень 12-це чис вадра качества марто прядызь ранней яровой культурань видеманть.

Каганович лемсэ колхозонь комсомолецтнэ

Колхозонь правлениясь пешксель ломанде. Тей састь ломатне эрва кодамо вопросонь коряс. Веенстнэненень эривсь кевксемс совет колхозонь председателнэ пельде, конань ули эрямонь покш опытэзэ, омбонствэненень—кортнемс артеленть тевтнеде. Колмонствэ састь кодамоак лия тевень коряс или истяк проста. Трудовой чинть прядовомадонзо мейле арасель мель аштекшнемс эсь кудосо. Секс ломатне пурнаветь колхозонь правления, «эсь родной кудонтень». Зярдо бути вейке ломань ёвтынзе неть валтнэнь ды ней малав весе истя кортыть: «правлениясь—минек родной кудонь...»

Виктор Козин, Каганович лемсэ колхозонь комсомольской организациянь секретарес, озадо аштеь колхозонь председателнэ столонза эйстэ ве ёно ды учось, зярдо прядовить кортнематне ды ломатне тукшнить кудов. Сонзэ ульнесь мелеза кадовомс ды кортнемс колхозонь председателнэ марто вейке покш важной вопроснь коряс. Ловозь чить кадочкшност тунда видема шканть самс. Бригадатнесэ, звенатнесэ тейнить производственной плант, проек-

тировали тедиде получама покш урожай.

Но заманчивой перспективатнесэ эсь прятнь оймавтезэ, ломатне а пек мелавтыльть видеманть анокстамонть кис. Видема шкась жо сыль яла седе малав. Солыль уш ловось, паксыс появаст тропинет, неявиль пижолмадо озимой розесь...

Очередной комсомольской собраниясо эривсь толковамс вопрос тунда видеманть анокстамонть. Комсомолецнэ решизь собрания тердемс колхозонь председателнэ, штобу сон ёвтневлизе, мезе ней эриви теомс колхозсонть, кодамо леске эриви комсомольской организациянь пельде...

Ломатне аламонь-аламонь кармасть тукшномо правлениясо. Виктор озаь колхозонь председателнэ ваксс ды ёвтась тензэ комсомолецнэнь мельдест.

—Паро тев ушодыде, ялгат,—мерсь Яков Васильевич Ижойкин.—Тынк лездамонь марто минь куроксто можем витемс тевенть...

Колхозонь председателнэ марто, Викторонь кортнемадонзо мейле куроксто ульнесь комсомольской собрания.

Сёрма Якстере Армиясто

Тонавтницятне покш мельсэ кунсолость сёрманть, конань тевт кучизь эсь ялгасть—Капитанов ды Нестеров. Сынъ служить минек доблестной Якстере Армиясонть. Аволь умок жо тонавнесть тесэ, Алова велень средней школасонть, прядызь сонзэ ды ней ванстыть минек гранипатненень, советской народонь мирной трудонть ды счастливой эрямонть.

Капитанов ды Нестеров ялгатне сёрмадыть седе, штобу эрва од ломанентень свал эриви улемс аноккс эсь родинанть ванстомо, эриви содамс военной тевенть, закалять эсь прятнь, улемс смелойкс ды выносливойкс. Теке марто ве шкане сынэ эсь ялгатненень тердсть свал улемс дисциплинированнойкс ды тонавнемс парсте, отличнойста, секс, што знаниятне, дисциплинась пек эривить Якстере Армиясо.

Алова велень средней школань тонавтницятне кучсть эсь ялгатненень ответ, конаньсэ сынэ ёвтнесть седе, кода тонавтнить, кода анокстыть испытаниятненень. Макссть вал, што проверочной испытаниятненень макссызь анык паро ды отличной отметка марто, кармить седеяк пек тонавнемс военной тевенть, кемекстамо дисциплинанть.

В. Начаркин.

Атяшевской р-н.

Избачонть- комсомолецнэ роботазо

Свал эрсиль пекстазь Од Мурза велень ловнома кудось. Избачось Малышев ялгась овси а роботыль. Од ломатненень чокшине а ков ульнесь якамс, а косо ульнесь ютавтомс ютко шкаст.

Аволь умок избачокс аравтызь комсомолецнэ С. Симкин ялганть. Сон сеске жо ловнома кудосонть тейсь порядок. Тосо ней кармасть улемс ванькшчи, алкуксонь культура. Стенатнесэ: партиянь ды правительствань руководителтьнень портретт, улить зярый плакатт.

Ловнома кудонтень яксить колхозникть, од ломать. Ловныть газетат, кунсолукшнить беседат. Ламот налксекшнить билиардсо. Ули патефон, конань перька пурнавкшнить моронь вечкицятне.

Ней, тунда видема шкастонть, эрва чистэ Симкин ялгась эрескшни паксысо, колхозниктненень ютксо вети культурно-массовой робота.

Д. Митякин.

Кочкуровской р-н.

Яков Васильевич якстере уголоконтень сась собраниянь ушодовомадо пек седе икеле. Кортнесь комсомолецнэнь марто кой-конатненень мурвинзе сень кис, мекс аволь эсь шкасто састь.

—Дисциплинань лавшо,—мерсь сон. Собраниянть састь весе 18 комсомолецнэ. Яков Васильевич подробна ёвтнесть седе, мезе эриви теомс колхозсонть, кодат улить асатыкст тунда видеманть анокстамонть коряс.

Сонзэ докладонт мейле ушодовсть прятнь. Комсомолецнэ ёвтнесть од факт. Николай Шунчев кортась седе, што бригадатнесэ аламо постромкат. Кой-кить кортасть седе, што алашатне аволь сатышка справнат, ёвтнесть седе, што ковокштне беззаботна относятся эсь тевентень, ульнесь истяк, што алашатне кадочкшныльть коромтомо, кардотнестэ чуросто урядылизь ды ускылизь навозонть.

—А видестэ арейть кой-кона колхозниктне, што бую видема шкань весе роботатненень можна теоме трактортнэсэ,—мерсь Николай Шунчев.—Нама, трактортне ламо, покш робота тейть, но штобу видеманть прядомс нурькашкас, эриви алашатненень парсте анокстам паксысо роботатненень.

Комсомольской собраниянь прядовомадо икеле таго кортась колхозонь председателсь.

—Вадра тынк те собраниясь,—мерсь сон.—Эриви седе сеетсье истя вейсэ толковакшномс артельной тевтненень. Тунда сех ламо комсомолецнэ кармить роботамо паксысо. Секс эриви тосо проявить эсь инициативань, уледе весеменень примерэкс.

Омбонь чиставть комсомолецнэ мольть бригадатнес, якасть маласо велень колхозтнэс... Вейке-кавто недлян перть колхозсонть тевтне овси лиякстомость. Ульнесь муезь, анокстазь постромкаткак, вадрысто аравтозель алашатненень мельга уходошкак.

Тунда видеманть колхозось вастызе парсте анокстазь. Теньсэ покш заслугаст комсомолецнэнь. А стяко сынъ пользуются авторитетсэ, сынст вечксызь, сынст лангс кемить. Сынст аравтнить роботань ответственной участвас. Козин Егоронь колхозниктне аравтызь звеньевоекс. Комсомолецнэ оправдал сынст кемекаст. Сонзэ звенась тунда видемань васень читнестэ уш лиссь васень таркас. Звенась свал велькска тонавтни выработкань норматненень.

Кемгавтово комсомолецт роботыть колхозной производствасо. Сынъ невтнить трудонь покш производительностень образец.

П. Ильин.

Ардатовской район.

Кодамо профессиясь седе вадря?

Бурок сы се кувать учозь чись, зардо средней школань 10-це классонь тонавтницятне макссыз госэкзаменэст ды кармить эсь олясост кочкамо эстет икелепелев эрямонь ки. Конат кармить тонавтомом начальной школасо, а конат аноктасыз эстет вийтнень, талантост, призванияст ды туить седе напряженной, седе стака киява, кармить тонавтомом высшей школасо. Минек масторсонть ламо кементь эрва кодамо наклонностень институтт, университетт. Эрва учебной заведениянтень кенкшн келейстэ панжозь весень туртов, ки бажы улемс седе квалифицированной специалистэкс.

Мезекс улемс средней школанть прядомадо мейле? Тонавтницяс. Кодамо икелепелень профессиясь аноктасм эсь прятть? Улемс инженеркс? Тень кис эряви ванномс эстет конструктивной способностеть, эряви вечкемс математиканть, лисни, эряви улемс увереннойкс, што те профессиясь карми вечкеме. Улемс врачокс? Тесэяк эряви арсемс, педи ли седейс те роботась, штобу мейле аволь саво яксе. Паряк улемс военной специалистэкс, учителькс, или астрономкс? Неть вопроствэ од ломатнень волнует чиде-чис ды сех пек средней школань прядыцятнень.

Секс Мордовской пединститутонть инициативанзо коряс маень 10-це чистэ пурнавет институтонь клубонтень Саранск ошонь весе средней школатнень отличникне-выпускникне, штобу кунсолос доклад ды выступления профессиянь кочкамо.

Те вопросонтень тонавтницятнень интересэст истя покш, што докладонь кунсолос састь пригласительной билет мартожде кавксть седе лзмо пригласительной билетэме тонавтницят.

Профессиянь кочкамо интересной доклад тейсь мордовской институтонь преподавателесь А. В. Ососков ялгась. Прениятнесэ эстет профессияст коряс кортасть Мордовской АССР-нь Госпланонь председателесь Томили ялгась, 12-це № школань преподавателесь Великанов ялгась, №-ской частень командирэс Губецкой ялгась, хирург-врачэс Лукеренко ялгась, ды литературань коряс преподавателесь А. Бихтер ялгась. Теде башка кортасть Саранской горононь заведующеесь Мамыкин ялгась.

Ососков ялганть докладсто

— Лев Касиль, — корты докладчикесь, — пек парсте невтинзе эсензэ вейке произведениясонзо советской од ломатнень бажамост ды мечтаст. Минек од ломатнень характерной стремлениэст — те героикантень бажамо, улемс истямо ломанькс, конась эсензэ тевсэ бажы невтеме покш достиженияст, истят, кодат еще сонзэ шкас кияк эзь невтне. Сынст мелест улемс васовливница летчикэкс, моданть лияксомтыця геологкс, наукасо од областень панжиця ученойкс ды истя седе тов. Ды те аволь случайной явления. Минек пингес Советской Союзсо — героикань пинге. Ансяк минек масторсо тейневить дивань тевть наукасо, техникасо, исследованиясо, производствасо ды лия тевсэ.

— Миненек эрва кода эряви шнамте бажамонть, — корты седе тов Ососков ялгась, — но теке марто эряви лещамс од ломатнень мельс, што достижениянь романтикась а тейневи черновой, вишка ды кропотливой роботавомо. Коть кодамо изнявксось добовавшны аволь случайностесь, аволь особой счастья-со, но упорной ды ливезев трудсо.

Минек од ломатнень эряви содамс, што славась, эрямосо удачась сакшны аволь выгодной профессиясо, но коть кодамо трудсо, коть кодамо профессиясо.

Весе содыть, што минек масторсонть

орденса казезь эрва кодамо профессиянь сех вадря ломатне: сех вадря колхозникне, металлстикне, артистикне, ученойне, писательне ды лият.

А мейсэ вешнекшнемс выгодной ды шождыне профессияст. Весе профессиястне стагат ды весе выгоднойт. Но тевсэ теньсэ, што весе сын вешить ломаненть целде черновой робота, упорства.

Варштадо тынь артистикне роботанзо лангс, тынь нейсынк, што сонзэ роботазо аволь шождыне, варштадо шофранть гаражс, летчикенть ангарае, — эрва косо роботась ливезь марто.

Эряви ёртомс весе мелютнень седе вадря профессиянь вешнемадо.

Кона профессиясь жо сех вадря? — кевкстин докладчикесь. — Те кевкстинманть лангс монень отвечамс а кода. Мон педагог, ды монень маряви, што монь профессиясь сех интересной. Монь мельга выступающейне жо кармить пинамо эстет профессияст. Знатной ломатне кортыть, што коть а шождыне сонзэ профессиясь, но яла теке кодамо лия профессия лангс зардоак а полавтсь. Те секс, што ломанесь тонавтнизе эсензэ тевенть, содасы сонзэ ды вечксы.

Кода эно кочкамс профессия? Ансяк Советской масторсонть ломанентень максозь оля кочкамс специальностень эсь мелень коряс. Ванат минек эйкакштнень, од ломатнень лангс ды неят: вейкесь чинь-чоп теи модель, омбоцесь рисови, колмоцесь аноктасы самодельной телефон, лиятне еще мейсэак тейнить. Те корты седе, што эрванть улить эсензэ наклонностензэ Секс эряви кочкамс эстет профессиякс се тевенть, конанень улить седе ламо способностеть, конанень тон призваноят, конань вечксай.

Профессиянь кочкамсто од ломатнень эряви кунсолосе специальностень коряс седе ламо ломать. А эряви тейнемс эстет выводт сразу, вейке чинь настроениянь коряс. Лиясто можна маывомс. Вана пример. Вейке студентка тонавтнесь пединститутсо, мейле сон сайсь мель туемс медицинской институт. Иень ютаз жо сон сась мекев ды энялды примамс таго пединститут.

— Мекс а тонавтият мединститутсо? — кевкстинек минь сонзэ.

— Мелезэнь эзь тусе, — отвечась сон, — тосо операциянь теестэ превень чарить.

— Мекс эно тестэ тукшныть?

— Секс, што ялган тукшност мед-институтонь ды кортнест, што тосо седе паро.

Вана тенк образец, кода а эряви ванномс профессиянь лангс.

Лисни, што эряви васняк эстет

парынезэ арсемс, кодамо профессиясь седе ладят, конась ули теть седе малавикс ды вечкевикс.

Томили ялганть выступлениясто

— Монь мелем, ялгат, — корты МАССР-нь Госпланонь председателесь Томили ялгась, — ёвнемс плановик-экономистень профессиядонть. Бути карматадо тонавтомом экономистэкс, то мерян тенк витьстэ, што а карматадо янксеме. Те профессиясь важной ды пек интересной. Зардо ломатне получасызь те профессиянь, сын кармить содамонзо народно-хозяйственной деятельностинь планированиянь. Плановик-экономистне парсте содасызь политической экономиянь, экономполитиканть, историянь. Сын парсте владеют теориясонть. Содасызь народной хозяйствань весе отраслянтень. Сонзэ икеле ашти эсь районоть или областенть хозяйственной весе картиназо. Цифратнень вельде сон содасы, кодамо народонть сипавчизэ, икелепелень возможностензэ ды лият.

Плановикенть роботазо покш, неявиця ды интересной. Мелезэть паро, зардо неят, кода минек народонть экономиказо касы чиде чис ды кода неят, мезе народос получи иень, кавтонь, вете иень ютаз. Ведь плановикесь тень нейсы икелев.

Плановой роботникть масторонть эрявить. Секс мон тенк мерян: кинь ули мелезэ, кие вечксы те тевенть, кадык тонавтни плановикэкс.

Великанов ялганть выступлениясто

— Выпускник ялгат, тынк икеле ашти задача — кочкамс истямо профессия, косо тынь ульядо седе полезнойкс. Эрва профессиясь минек масторсо почетной. Советской Союзсо эрва кодамо трудос ашти честень, славань ды героиствань тевекс.

Тынк эйстэ ламот могут кочкамс учителень профессиянь. Улемс воспитателекс, кода формирует ломанень характер — пек покш тев. Партиясь ды правительствась свал заботясть ды заботить учительтень кис. Ламо кемень сядот учительт эстет роботаст кис казезь Советской Союзонь орденнэсэ ды медальтнесэ. Те корты седе, што коммунистической общественность строямосонть учителесь зани ответственной тарка.

Учителекс можна ансяк сестэ улемс, бути вечксыть эйкакштнень. Касыця поколениянь формированиясонть эряви

проявлять творческой инициатива. Учителенть задачанзо сложнойт ды теке марто благороднойт, секс, што сонзэ эйстэ зависит од ломаненть икелепелев развитиязо, эрямосо. Важна, штобу од ломаненть эйстэ кастамс коммунистической общественность ломань ды теемс сень, штобу сонзэ характерэзэ аволь кадово ташто общественность кодаткак пережиткат.

Мон вана вечкэ эсензэ преподавательской роботанть ды арась мелем сонзэ кадомс.

Лукеренко ялганть выступлениясто

— Икелевгак мон арсян тенк, ялгат, успешно прядомс тонавтомом иень, — мерсь хирург-врачос Лукеренко ялгась. — Содан, што медицинантень бажить ламо од ломать. Те пек вадря тев.

Тесэ кортасть сложной профессиядо, сонзэ ответственностень. Мон бу мевелинь — медицинась сехте сложной ды сехте ответственной. Машинасонть колавиндерий мезекс, сестэ сонзэ витнема шкастонть лоткавтсызь моторонть роботанзо. Минек тевсэнь жо сави «витнеманть» ютавомс ломаненть «моторонзо» роботамонть пингстэ.

Медицинской роботась — ответственной ды теке марто пек благородной. Мельс паросо аштат, зардо неят, што сэредиця ломаненть тон эстет искусствасот идик, максыть тензэ возможность улемс обществасонть деятелекс.

Мон тенк арсян, ялгат, штобу тынь тонавтивелиде медицинанть коряс. Уледе врачокс, хирургокс.

Бихтер ялганть выступлениясто

— Минек шкась — те творческой трудонь шка, — ушодызэ кортамонзо пединститутонь преподавателесь Бихтер ялгась. — Минек масторсо учителесь аволь истямо, кодат ульнесть самодержавно-крепостнической шкастонть. Советской учителенть кис заботить партиясь ды советской правительствась, учительтнень теез авторитет ды почёт.

Бути кортамс эсензэ профессиядонть, то мерян видьстэ: вечкэ мон сонзэ, профессиянь. Монь кенярды седем, зардо неян, што монь лекциянтень кунцолыть тонавтницятне, мезе эряви — сёрмадыть тетрадезэст, зардо литературной типтне, конатнень кувалт кортат лекциясонть, волнует тонавтницятнень.

Но а виде улелель бу меремс, што весе чарьковедемась, интересэсь сакшны шождынезэ, просто. Арась. Савишны ванкшномс зярыя книгат, аштеме веньберть, штобу аноктасм интересной лекция. Ды яла теке — учителень профессиясь аволь берянь. Сон кармавы ломаненть свал касомс творчески. Секс те профессиянтень, ялгат, эряви молемс алак пеле.

Мамыкин ялганть выступлениясто

Саранской горононь заведующеесь Мамыкин ялгась кортасть минек од ломатнень Павлов академикенть арсематнеде.

— Повник великой патриотонть Павлов ялганть пожеланиянзо, што од ломатнень эряви улемс тонавтемсэ упорнойкс, решительнойкс, последовательнойкс, ушодозь тевенть пачтнемс пеле-пел.

А эряви наукасонть ютнемс «мелочтнень» вакса. Чарькодник эрва «мелоченть» потмо ексензо.

— Ды Павлов академикесь сех пек невтнесь сень лангс, штобу эрва тевсэнь улемс правдивойкс ды эрямосонть скромнойкс.



109 Саранской 9-це № школань 4-це классо естествознаниянь коряс практической занятияне.

СНИМКАСОНТЬ: тонавтницятне роботыть эмеж пиресэ.

Фотось Б. Козловонь.

Московсо армянской литературань декадась

Армянской литературань декадань участникне маень 14-це чистэ якать гостекс московской высшей учебной заведениянь студентнэнь. РСФСР-нь Наркомпросонь Центральной студенческой ошкөн клубсонть од ломатне седишкава приветствовизь неень шкань содавикс армянской поэтанть—орденоносецанть Наири Зарьянонь, кона рузонь ды армянонь кельсэ ловнось эсензэ стихтнень. Чокшнесэнь выступали истя жо декадань лия участникнеяк.

(ТАСС).

37-це стрелковой дивизиянтъ награждениясь

37-це стрелковой дивизиянтъ 20 иензэ ознаменованьяс, мужествомъ ды отваганть кис, конат неветезель Советской народонь врагтнень каршо бойтнесэ, боевой ды политической подготовкисонть покш успехтнень кис СССР-нь Верховной Советань Президиумось наградил 37-це стрелковой дивизиянтъ Якстере Знамянь орденомъ.

Теке марто ве шкасто СССР-нь Верховной Советань Президиумось наградил орденомъ ды медальсэ 23 ломань 37-це стрелковой дивизиянтъ начальствующей составсонть.

(ТАСС).

В. И. Ленинэнь Центральной музеесъ

В. И. Ленинэнь Центральной музеесъ, кона созданной Сталин ялганть инициативанзо коряс, теевсь марксизманть-ленинизманть пропагандань пек виев орудиякс. Сонзэ пек вадрясто содасызь трудиянь келей массатне. Маторонть весеме ёндонзотей сакшныть экскурсантт. Музеентъ панжомо чистэнзэ саезь—1936 иень маень 15-це чистэ саезь—сонзэ эйсэ ульнестъ уш малав 5,5 миллион ломань.

Музеесъ атак лотксе скупалгавтневи од экспонатсо. Меельсь шкастонть музейсэнь аравтнезь Владимир Ильичень ламо фотографии. Ансяк 2-пе этажонь залтнесэ невтневить 30 од фотоснимкат.

Аволь умок Ленинэнь Кремлевской квартирасонзо музейс максозь Владимир Ильичень личной вещанзо.


Ней музеень 22 залтнесэ пурназь малав 8 тыща документт, рукопись, книгат, фотографият, живописень произведеният, скульптурат ды графикат, конат посвященной Ленинэнь ды сонзэ теветъ великой продолжателентъ—Сталин ялгантень. Маласо шкастонть музейсэнь панжови подаркатнень специальной зал, конатнень эрва кодамо шкасто трудиятне казизь Ленинэнь.

(ТАСС).

Апак печата материалонк коряс

Янский юнкорсь Козловской районсто кучнесъ тенек заметка, конаньсэ сёрмадсь Козловкань педучилищань столовойсэнь асатыктнеде.

Материалосъ кучозель расследованияс Козловской РОНО-в. Тосто тенек пачтаясь, што заметкасонть ёвтась фактнэ видетъ. Примазь мерат асатыктнень витеманть коряс.



Саранск ошонь А. С. Пушкин лемсэ культурань ды оймсемань парксо кизэнь сезононть ушодомантень ули панжозь од кинотеатра.

СНИМКАСОНТЬ: Од кинотеатранть строямо. Фотось Б. Козловонь.

Школасо военно-физкультурной роботадонть

Косогор велень неполной средней школасо парсте аравтозь военно-физкультурной роботась. Тесэ меельсь читнесэ 20 тонавтиця максызь норматнень ПВХО-нь ды 10 ломать Ворошиловской стрелок значоктнень лангс. Теде башка оборонной кружоконь члентнэ примить активной участия лия общественной роботахнесаяк. Вадрясто ютавови военной теверь велень допризывниктнень ютксажк.

Д. Барсуков.

Шугурова велень средней школань пионернэ организовастъ ЮВС-нь кружокт, косо весемезэ тонавтиць 25 ломанде ламо. Военруконть Улашкин ялганть руководстванзо коряс весе пионернэ тонавтиць боевой ды мелкокалиберной винтовкатнень.

Ф. Пивкин.

Б.-Березниковской р.н.

Границань томбале

Европасо, Африкасо ды Азиясо войнась

(Маень 14-це чистэ военной действиятнень дневник)

Кода пачти Германской информации бюрось, маень 14-це чинть каршо вестанть германской самолетнэ бомбардировизь Южной ды Центральной Англиясо кой-кона важной портнень. Морясо германской бомбардировщиктне ваявтеть колмо английской пароходт.

Английской военно-воздушной вийтне маень 13-це чистэ чить бомбардировизь Гельголанд островонть (Северной морясо). Ульнестъ теезэ истяжо налетт германской торговой суднатнень ланге, конат ульнестъ Голландиянь ды Франциянь побережьянь маласо, ды теде башка, Сен-Назер германской базанть лангс (Франция). Кода пачти Рейтер агентствасъ, зярря германской суднат ульнестъ ваявтозь или жо колазъ. Маень 14-це чинть каршо вестанть английской военно-воздушной вийтнень операцияст ульнестъ аволь покшт.

Тобруконь зонасонть активной военной действият арасельть. Соллумонь районсонть, ёвтась германской командованиянь сводкасонзо, германской разведывательной частне шаштеть востоков ды юго-востоков. «Нью-Йорк таймс» американской газетань корреспондентсь,

кона ашти английской войскачнень марто Египетсэ, истяжо пачти, што колмо германской мотомеханизированной колоннатне, конат аштитъ моторизованной пехотасто, танкасто ды бронеавтомобильсэ малав 200 машинас, шаштеть 50 километра востоков Зофафинть ёнов (Египет). Но, английской авиациянтъ ды механизированной частнень вачкодкесэст вастозь, сынест саезь потамс.

Абисиниясо Амба-Алагань секторсонть тешкестневи артиллерийской леднема.

* * *

Ираксо, английской сообщениятнень коряс, английской авиациясь бомбардировизе маторонь эрва кодат пунктнэса иракской частнень. Иракской командованиянтъ сведениянзо коряс, маень 13-це чистэ английской самолетнэ теистъ налет Рашидэнь лангс ды снартнестъ бомбардироваме маторонь столицанть Багдадонть, но сынест паникзе иракской авиациясь.

(ТАСС).

Германиясь яволявтызе Красной морянтъ военной операциянь зонакс

Германской официальной сообщениясонть, конань пачтизе германской информации бюрось, ёвтась, што Средиземной морянь восточной пелькисонть военной действиятнень виевгадманть кувалма эряви учемс икелепелев германской военной вийтнень операцияст истя жо Красной морясонть-как. Эрва суднась, кона карми уйне-

ме военной операциянь те зонасонть, может улемс истожазь минасо или лия военной средствасо. Германской правительствась а мери укшномс Красной морянь северной пелькисэнь ведтнесэ, истяжо Суэцкой ды Акабской заливтнесэ.

(ТАСС).

ТРАКТОРИСТЭНЬ МОРО

Валскень мазый зорясъ
Монь икеле палсь,
Масторонть чамава
Эсь валдонзо валсь.

Сравтынзе струянзо
Паксятнень келес,
Нолдынзе артонзо
Колхозонь велес.

Саия се шкастонть
Тракторонь рулентъ,
Нардыя чамастон
Лиси ливезентъ.

Ламо, ламо модат
Сюпавт мон сокинъ,
Покш мельсэ-паросо
Тракторонть вецинъ.

Лембестэ, манейстэ
Ливтязь чить ютасть,
Пиждолды сюротнень
Касомаст неяви.

Эрва валскень зорясъ
Монь икеле палсь.
Седеем радувась
Чись валдонзо валсь.

И. Кривошеев.

Гессэнь коряс германской информационной бюронть сообщениязо

Германской информационной бюрось пачти, што, кода кармась содавома вадрясто содыця ломатнень пельде, Рудольф Гесс, Англияв туемстанзэ, кадсь пек ламо запискат. Запискатнестэ неяви, што Гесс «ловсь возмознойкс, личной инициативанзо вельде, тееме Германиянтъ ды Англиянтъ ютксо мирдэ соглашения».

Агентствасъ пачти, што Гесс, сонзэ запискатнень коряс арсезь, кемп, што Англиянтъ можна убедить «сонзэ неень руководителентнень превтеме поведениясост», бути сонензэ удалы «толковам лия английской деятелтнень кода алкукс аштитъ теветнень». Гесс те теветъ туртов вадрякс ловсь Гамильтон лордонть, конань сон, кода неяви, кармась содамонзо 1936 иень олимпиадань шкастонть саезь ды конань имениннэзо малаво Гесс валгсь парашютсо седе мейле, кода шаштеть весе бензинэзэ. Гессэнь записканзо лангс невтнэзъ, Германской информационной бюрось пачти, што Гесс «ловсь лезэвтемекс Черчилль марто кортнеманть».

(ТАСС).

Бухарестсэ террористической деятельностесь

Меельсь шкастонть Бухарестсэ (Румыния) ульнестъ зярря взрывть. Кода ней содазь, взрывтне теевсть самодельной бомбатнестэ. Кой-кона таркатнесэ неть бомбатне ульнестъ ладязь электрической звоноктнень ды сынест действияст пингстэ сезневсть. Весень арсемаст коряс, те—легионертнэнь очередной снартнемаст неветемс эсест активностест.

(ТАСС).

Ответ. редакторсь А. ЩЕГЛОВ.